

Najib Gembira Proses Undi Pos Berjalan Lancar
Bernama
29 April, 2013

KUALA LUMPUR, 29 April (Bernama) -- Perdana Menteri Datuk Seri Najib Tun Razak puas hati proses pengundian pos berjalan lancar apabila lebih 50 peratus rakyat Malaysia yang berdaftar sebagai pengundi pos sudah mengundi.

"(Saya) gembira melihat pengenalan kita kepada pengundian pos di luar negara berjalan lancar, (memandangkan) lebih 50 peratus undi pos telah dilakukan untuk pilihan raya umum ke-13," katanya dalam tweet terbaharunya hari ini.

Buat pertama kali, Suruhanjaya Pilihan Raya memperkenalkan undi pos bagi rakyat Malaysia yang tinggal di luar negara untuk pilihan raya umum.

Pengundian secara pos di luar negara dijalankan semalam (28 April). menyaksikan lebih 50 peratus rakyat Malaysia mengundi di beberapa negara termasuk Australia, India, United Kingdom, New Zealand dan China.

Sebanyak 6,339 pengundi pos boleh mengundi di 103 perwakilan negara di seluruh dunia.

Pengundian secara pos meliputi semua negara kecuali rakyat Malaysia yang tinggal di Singapura, selatan Thailand, Brunei dan Kalimantan di Indonesia.

-- BERNAMA

Copyright © 2013 BERNAMA

Source: <http://www.bernama.com/bernama/v7/bm/newsindex.php?id=946118>